

民國文獻資料叢編

辛亥革命  
浙江史料  
彙編

浙江省政協  
文史資料委員會  
杭州師範大學民國  
浙江史研究中心  
編

國家圖書館出版社



浙江省政協文史資料委員會、杭州師範大學民國浙江史研究中心 編

# 辛亥革命浙江史料彙編

第三冊

國家圖書館出版社

**圖書在版編目(CIP)數據**

辛亥革命浙江史料彙編 / 浙江省政協文史資料委員會、杭州師範大學民國浙江史研究中心編. —北京：國家圖書館出版社，2011.9

ISBN 978 - 7 - 5013 - 4652 - 3

I. ①辛… II. ①浙… III. ①辛亥革命—史料—彙編—浙江省 IV. ①K257.06

中國版本圖書館 CIP 數據核字(2011)第 154343 號

責任編輯：殷夢霞 李強



**書名** 辛亥革命浙江史料彙編(全十冊)

**著者** 浙江省政協文史資料委員會 杭州師範大學民國浙江史研究中心 編

**出版** 國家圖書館出版社(原北京圖書館出版社)

(100034 北京市西城區文津街7號)

**發行** 010 - 66139745 66175620 66126153

66174391 (傳真) 66126156 (門市部)

**E-mail** btsfxb@nlc.gov.cn (郵購)

**Website** www.nlcpress.com→投稿中心

**經銷** 新華書店

**印刷** 河北三河弘翰印務有限公司

**開本** 787 × 1092 毫米 1/16

**印張** 387

**版次** 2011年9月第1版 2011年9月第1次印刷

**書號** ISBN 978 - 7 - 5013 - 4652 - 3

**定價** 6000.00 圓

(清)王廷樑 著

王省山觀察丁未年警察日記

光緒三十四年(一九〇八)鉛印本

## 第三冊目錄

王省山觀察丁未年警察日記	一
蘇杭甬路案說帖	一一三
駁蘇杭甬路案說帖	一三九
蘇杭甬鐵路路檔(一)	一六五
蘇杭甬鐵路路檔(二)	二七三
蘇杭甬鐵路路檔(三)	三八七
蘇杭甬鐵路始末記	四五九
浙路代表旅津紳商廢章保律公牘	五三三
浙軍杭州光復記	六四七

壬省山觀察丁未年警察日記

徐宗德  
謹題









警察二字來自東譯日本初改西政以爲富強第一策其設官曰警視廳隸內務省猶我國之設巡警道隸民政部同一獨立機關誠行政之要點也丁未夏

### 省三觀察以通譯才銜

命來浙南皮中丞器之委辦巡警時浙江巡警道未設係屬差事蓋沿保甲之舊略改形式而非警察性質觀察既受檄亟圖改良邀廷樞往參其事辭不獲命襄理讞務按西制警察與裁判分兩事警局之有讞務乃附屬品爲司法警察之補助導裁判豫審之先河其實於警察行政上不問也昔讀周官有司救司市司虺匡人撻人禁暴氏野廬氏修閭氏等職此我數千年前文明制度泰西警察其性質毋乃類是殆所謂禮失在野者耶觀察受事日奉

朝旨禁煙嚴令省城內外烟館悉數封閉另謀生計併搜購煙具燬而焚之以起民間不可救藥之痼疾其司救之職與浙垣街市區仄塵囂輒患火下令凡新建築者拆讓弓步一律收進店招又畫區爲小菜場擔糞者加蓋以辟穢馳馬傷人者盡法拘罰雖權貴不避其司市司虺之職與漢吏銛笮法本詰姦之

用宣上德達下情亦預焉作求隱櫃徧設衝要朝發夕收如有關繫地方利弊之事靡不采納或僅個人交涉立即傳詢和解挾嫌者弗問其匡人擅人之職與法令既肅奸宄潛逃或隱逆旅或散處郊隄行清查戶口法城鄉徧及痞徒亦斂跡間有宵小竊發類皆失業惰民以及流落煙夥概發拘留所分別年限並雇工師導之習藝其禁暴氏野廬氏修閭氏之職與至若巡官不拘資格更正巡士鐘點以均勞逸並拔其尤者推升之請獎巡士學生出身此則延攬人才雖吐哺握髮之風無以逾此或曰子論周官及周公之好士得毋爲崇拜設法者所竊笑乎雖然泰西今日之法卽警察一端所謂保衛治安維持秩序諸說與我成周之法性質同也此事在精神豈在形式哉觀察於是年冬調辦交涉兼實業事宜今年夏祥符中丞以觀察昔辦警察 又檄兼辦觀察恐文牘之遺忘也理舊檔編次序緣述其厓略云


光緒三十四年戊申季夏王廷樑謹序

自三權鼎峙之說倡于法儒孟德斯鳩而行政權之作用乃大備於是有助長行政焉警察行政焉相輔而行不容或忒且東西各國恒以警察程度之高下揆內政之良窳然則警察之責任與勢力關係不重且大歟雖然作人爲治有治法而後有治人斯言良非虛語丁未夏滬江王省山觀察銜

命來浙受知于南皮張中丞旋畀以全省警察事務維時我浙警政正值萌芽時修明孔殷而觀察以天人之學經世之才竭慮殫精不辭勞瘁舉若禁煙問題市政問題罔不次第規畫綱舉目張又恐上下之隔閡也設求隱微意見書非所謂納諫如流集思廣益者耶囉廁身警界幸渥甄陶辱邀

優眷茲以汪君培生爲我觀察鈔訂丁未歲警察文牘纂成日記一帙行告厥成而觀察審慎再三特邀徐君養田重行編校斟酌損益益形完備而囉幸獲匡勸簡端藉附校讐之末用敢摭臆謹弁數言聯誌紀念云爾

光緒三十四年戊申秋七月 日學生沈曜謹述



丁未年浙江警察日記

五月十五日

到差任事

二十四日

設公事房定局員每日辦公鐘點上午三鐘下午三鐘星期休息

二十五日

移借銅元分局作爲學員講堂事

爲移請知事竊照敝總局前開警察通學一班因局內原有講堂地位逼窄

不敷配置曾經移請將

黃分局銅元分局之物料庫借用作爲講堂及辦公之所在案茲查局內原有官

兵兩學生講堂屋既西晒地又卑濕於講堂固非所宜卽衛生亦大有關  
碍查得銅元分局內鎔銅廠空閒無用並無機器存儲擬請將該廠一所  
並附近印模房一小間均乞撥歸敝局借用趁此暑假略加修葺作爲巡

警學員公共講堂並辦公員役照料之所除移請知

藩司查照 外擬合移請知 爲此合移

銅元總局 請煩查照見復施行

二十六日

致

商紳學

界公函籌辦禁閉煙館事宜

敬肅者省垣禁閉煙館爲目今最要最重之事敝經局前任總辦袁觀察

會同各司道迭次出示勒限六月三十日一律閉歇在案茲因閉歇期限

相距已迫而城廂內外大小煙館調查確數計有七百餘家店主店夥人

類繁雜一切先事預備臨時對待事後防維諸辦法自應趕緊籌定以免

臨期阻抗滋生事端惟敝局經濟困難權力亦有不及之處非會同

商紳學界諸君子妥籌良策無以達完全之域而定執行之方查上海禁閉煙

館雖係地方官及警察局嚴諭痛懲不稍假貸而其能達目的相安無事

卒賴工程局與商學界輔助之力爲多杭垣事同一律

諸公又素具熱心爲地方除其毒害諒無不竭忱贊助茲敝局定於下月初五日前先行集議敬請

尊處亦開會公議議有宗旨再行邀集

商紳學界諸名達開特別公會商量辦法所有煙具如何收買煙夥如何安插務臻妥善而杜亂源其應責在敝局者但有一分權限無不盡一分心力以期將來克收效果不至貽誚外人地方百姓之幸而亦浙省辦事之名譽也特別會場設於敝局一俟訂定日期再行佈告屆期務乞光臨贊成善舉是所拜禱肅敬請

大安惟

照不備

巡警總局片

六月初一日

詳請第三班巡警學生畢業文憑蓋印發局轉給事

爲詳請事竊照本局巡警學堂第一第二班學生於去年先後畢業已將



各該生分數文憑呈請蓋印發局轉給在案茲自本年二月初五日起扣至五月初十日止屆第三班學生三個月畢業之期仍由司道等督同教員按名考驗合將各學生學課成績按照

奏定學堂章程通計分數繕具等第清冊連同畢業修業文憑一併分別填就呈請

憲鑒俯賜蓋印發局轉給至第四班學生除照章由上中下三城站崗巡警抽調考驗外另於投考各生中選體格健全文理粗通合巡警資格者補足其額擬於暑假後七月十一日開堂上課合併聲明爲此備由詳請伏乞

照詳施行奉

批據送清冊存查文憑印發仰卽轉給遵照繳

初三日

本局全體人員邀仝 杭府仁兩縣到局開會提議禁閉烟館辦法所有決議